

**152** Dô sprach der unwîse:

»iwerm werdem prîse  
ist gegeben ein smæhiu letze.  
ich bin sîn vengec netze,  
5 ich sol in wider in iuch smîden,  
daz irz enpfindet ûf den liden.  
Ez ist dem kûnege Artus  
ûf sînen hof unt in sîn hûs  
sô manec werder man geriten,  
10 durch den ir lachen hât vermiten,  
unt lachet nû durch einen man,  
der niht mit ritters vuore kan.«  
In zorne wunders vil geschiht.  
sînes slages wære im erteilet niht  
15 vorem rîche ûf dise magt,  
diu vil von vrwendan wart geklagt.  
ob si halt schilt solde tragen!  
diu unvuoge ist dâ geslagen,  
wan si was von arde ein vürstîn.  
20 Orilus und Læhelin,  
ir bruoder, hetenz die gesehen,  
der slege minre wære geschehen.  
**D**er verswigene Anthanor,  
der durch swîgen dûht ein tôr,  
25 sîn rede unt ir lachen  
was gezilt mit einen sachan:  
ern wolde nimmer wort gesagen,  
sine lachete, diu dâ wart geslagen.  
dâ ir lachen wart getân,  
30 sîn munt sprach ze Keien sân:

---

\*D: D \*m: m \*G: G I O L Z \*T (U): U V T

---

**1** Majuskel D T **7** Initiale T · Majuskel D **13** Initiale I U V · Majuskel D T **19** Majuskel T **21** Majuskel T **23** Initiale D m O L Z T **26** nicht ausgeführte Illustration O **28** Initiale G **29** Majuskel T

---

5 unde sol in (Jch sol L) hin (om. I) wider in iuch smîden (in smiden O), \*G · und sol ez ([\*]: sol V soln T) hin wider in iuch smîden, \*T **6** irz] irs \*m **10** den] die \*m L **16** diu wart von friunden vil Gechagt I · wart] wirt \*m **18** sine wêre so sere niht geslagen T **27** er enwolte niemer wort gesagen. \*m **28** wart] wat D